

57-11-3-48977

20-10-2021

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br. 0202-14544/17) na prijedlog Komisije za javne nabavke Izmjena izvještaja br. 10-11-3-48665 od 18.10.2021. godine, Generalna direktorica donosi:

### ODLUKU

o izmjeni i dopuni Odluke br. 01-11-3-45196 od 28.09.2021. godine, u postupku nabavke namirnica za period od 12 mjeseci

#### I

Mijenja se član I Odluke o izmjeni i dopuni br. 01-11-3-45196 od 28.09.2021. godine, i glasi okvirni sporazumi za nabavku namirnica za period od 12 mjeseci dodjeljuju se ponuđačima kako slijedi:

1. ZAMCOMERC d.o.o. Fojnica za Lot 42 i Lot 43;
2. Redex d.o.o. Banovići za Lot 44.

Za Lot 41 su dva najpovoljnija ponuđača ponudila potpuno jednaku cijenu, te iz ovog razloga nije moguće dodijeliti okvirni sporazum prema kriteriju „najniža cijena“, tako da se za predmetnu nabavku u skladu sa članom 69, stav 3 ZJN za ovaj lot dodjela okvirnog sporazuma otkazuje a postupak nabavke proglašava neuspješnim.

#### II

Izabrani ponuđači dužani su u roku od 5 (pet) dana od dana prijema ove Odluke, dostaviti original ili ovjerene kopije dokaza o ispunjavanju uslova iz čl. 45. ZJN, u skladu sa dostavljenom Izjavom ponuđača, ne starije od 3 mjeseca računajući od momenta predaje ponude. Ponuđač Redex d.o.o. Banovići nije dužan da dostavi ove dokaze iz razloga što je iste dostavio prethodno.

#### III

Ova Odluka stupa na snagu danom donošenja i objaviće se na portalu javnih nabavki nakon što bude dostavljena ponuđačima učesnicima u postupku javne nabavke.

### OBRAZLOŽENJE

Klinički centar Univerziteta u Sarajevu je na portalu Agencije za javne nabavke objavio Otvoreni postupak sa međunarodnom obavještenjem br. 893-1-1-303-3-243/21 od 11.05.2021. godine za dostavu ponuda za izbor najpovoljnijeg ponuđača za nabavku namirnica za 12 mjeseci.

*[Handwritten signature]*

Odlukom o izboru najpovoljnijeg ponuđača br. 57-11-3-35703 od 28.07.2021. godine, okvirni sporazumi za lotove 40, 41, 42, 43 i 44 su bili dodjeljeni ponuđaču MI Rakitno d.o.o. Posušje. Nezadovoljan Odlukom o izboru najpovoljnijeg ponuđača, jedan od ponuđača izjavljuje žalbu koja je zajedno sa svom pripadajućom dokumentacijom i Izjašnjenjem proslijeđena Uredu za razmatranje žalbi BiH. Dana 01.09.2021. godine, Ured za razmatranje žalbi BiH donosi Rješenje br. JN2-01-07-1-2200-9/21 kojim žalbu ponuđača prihvata kao osnovanu za lotove 41, 42, 43 i 44, te postupak vraća ugovornom organu na ponovni postupak.

Dana 27.09.2021. godine, Komisija za javne nabavke je organizovala zatvoreni sastanak i postupala u skladu sa preporukama iz Rješenja Ureda za razmatranje žalbi, a vezano za čl. 3.2 Tenderske dokumentacije u kojem stoji da „Svi listovi ponude moraju biti čvrsto uvezani, sa označenim i numerisanim stranicama (uključujući sve dodatke). U skladu sa stavom «Agencije za javne nabavke BiH» pod čvrstim uvezom podrazumijeva se ponuda ukoričena u knjigu ili ponuda osigurana jemstvenikom. U slučaju da ponuđač uveže ponudu »spiralno«, ponudu dostavi u plastičnoj fascikli ili slično, uvez mora biti dodatno osiguran jemstvenikom, tako da se listovi ne mogu odvajati od cjeline, odnosno ne mogu izvlačiti i/ili mijenjati. Svi listovi moraju biti numerisani. Sve listove ponude trebaju parafirati ili potpisati lica koja su ovlaštena da zastupaju ponuđača“.

Ponovnim uvidom u Ponudu ponuđača MI Rakitno d.o.o. Posušje, Komisija je ustanovila da je ponuda za lotove 41, 42, 43 i 44 uvezana spiralno u plastičnoj fascikli te je osigurana jemstvenikom na način da je jemstveni trobojni konac ostavljen labavo u dužini od cca 20 cm, te je s njim obmotana ponuda tako da se prilikom otvaranja ponude, ponuda mora presaviti da bi se uklonio jemstveni konac. Na kraju konca nalazi se samoljepljiva naljepnica kojom je pričvrćen jemstveni konac i na kojoj je otisak pečata bez potpisa ovlaštenog lica. Naljepnica slobodno visi na jemstvenom koncu i nije pričvrćena uz ponudu.

Komisija je ustanovila da ponuđač MI Rakitno d.o.o. Posušje nije osigurao krajeve jemstvenika na način da se onemogućiti nesmetana manipulacija jemstvenikom, a time i sadržaj ponude.

Ponovnim uvidom u ponudu ponuđača, Komisija je ustanovila da ponuđač MI Rakitno d.o.o. Posušje nije dostavio svoju ponudu u skladu sa tačkom 3.3 (stav 2) Tenderske dokumentacije kojom je određeno da se „Ponude za sve lotove na koje se prijavljuje dostavljaju u posebnim kovertama na kojima mora biti naznačeno na koji lot se ponuda odnosi. U posebnim kovertama za svaki pojedini lot, se dostavlja popunjen Aneks 3 uz izjavu o preferencijalnom tretmanu i izjavu o prihvatanju uslova plaćanja“.

Ponuđač MI Rakitno d.o.o. Posušje nije dostavio izjavu o uslovima plaćanja za lotove 41, 42, 43 i 44, čime nije ispunio uslove određene tenderskom dokumentacijom.

Iz razloga što se Ponuda ponuđača MI Rakitno d.o.o. Posušje odbacuje kao neispravna za lotove 41, 42, 43 i 44, Komisija je predložila da se e-aukcija ponovi za navedene lotove iz razloga što je na prethodno održanoj učestvovao ponuđač čija je ponuda poslije odbačena kao formalno-pravno neispravna.

Dana 15.10.2021. godine je ponovo održana e-aukcija koju je zakazala Agencija za javne nabavke BiH na Zahtjev upućen od strane ugovornog organa.

## PRIJEDLOG KOMISIJE

Komisija predlaže da se zaključe okvirni sporazumi sa ponuđačima kako slijedi:

ZAMCOMERC d.o.o. Fojnica				
	Opis	Mjesečna vrijednost ponude bez uračunatog iznosa PDV-a (KM)	Godišnja vrijednost ponude bez uračunatog iznosa PDV-a (KM)	Procjenjena vrijednost bez uračunatog iznosa PDV-a (KM)
Lot 42	Junetina sa kostima	8.996,00	107.952,00	108.000,00
Lot 43	Teletina sa kostima	8.398,00	100.776,00	100.800,00
Ukupne vrijednosti		17.394,00	208.728,00	208.800,00

Redex d.o.o. Banovići				
	Opis	Mjesečna vrijednost ponude bez uračunatog iznosa PDV-a (KM)	Godišnja vrijednost ponude bez uračunatog iznosa PDV-a (KM)	Procjenjena vrijednost bez uračunatog iznosa PDV-a (KM)
Lot 44	Juneća pljeskavica	1.195,81	14.349,72	14.400,00
Ukupne vrijednosti		1.195,81	14.349,72	14.400,00

Za Lot 41 su dva najpovoljnija ponuđača ponudila potpuno jednaku cijenu, te iz ovog razloga nije moguće dodijeliti okvirni sporazum prema kriteriju „najniža cijena“, tako da Komisija predlaže da se postupak nabavke za ovaj lot poništi.

Rekapitulacija: Ukupna vrijednost nabavke iznosi 223.077,72 KM bez uračunatog iznosa PDV-a.

Okvirni sporazumi se zaključuju za period od 12 mjeseci.

**Uslovi plaćanja:** 60 dana od dana isporuke robe i ispostave fakture.

**Paritet:** FCO Skladište namirnica KCUS-a.

Smatram da je Komisija pravilno postupila kada je uzela u obzir gore navedene činjenice i iz tih razloga prihvatam prijedlog Komisije i donosim odluku kao u dispozitivu.



### PRAVNA POUKA:

Protiv ove Odluke može se uložiti žalba putem ugovornog organa odnosno KCUS-u u pisanoj formi, u roku od deset (10) dana od dana kada je podnosilac saznao ili je trebao saznati za navodnu povredu Zakona o javnim nabavkama BiH u toku konkretnog postupka.

Dostaviti:

- Sektor zajedničkih službi KCUS-a;
- Ponuđačima;
- a/a

*Handwritten signature in blue ink.*